

# REGGÍNA, REGGENÈLLE

U nnumere di júcatore nen avève èsse méne de quatte crijatúre. U nnumere juste ére da otte a dùdece crijatúre.

Prime d'abbijà a jucà se facéve u cambe ('na vendíne de mètre) e se menave u túcche pe vedè chi devendave "REGGÍNE". L'ati júcatore se mettévene affelate, faccefrond'a "REGGÍNE" che stéve chi ríne o múre o assettate sópe a nu rumutale.

I júcatore (uagliungille e uagliungèlle), vúne a vóte addummannavene:

"REGGÍNA, REGGENÈLLE, QUANDA PASSE ME DAJE?"

o nda 'stata manére:

" REGGÍNA, REGGENÈLLE, QUANDA PASSE AGGHJA FÀ PE VENÌ O CASTILLE TÚJE C'A FÉDE E C'A NÌLLE C'A PONDE D'U CURTILLE?".

'A "REGGÍNE" respunnève: "È FÀ ...(n'u nnumere da 1 a 5) PASSE DE .... (u nnóme d'u nnemale).

U nnemale putéve èsse:

- FURMÍCHE (nu píde annanze a n'avete);
- LIONE (nu zumbè annanze a píde uníte);
- PASSARILLE (nu zumbitte c'a ponde di píde);
- GRANOGNE (nu zumbè chi mane pe ndèrre);
- CAVALLE (nu passe annanze);
- LÈFANDE (nu passe lunghe lunghe);
- GRANGHEJE (nu passe arrète).

U jucatóre avève fà quille che avève ditte 'a "REGGÍNE".

Chi sbagliave u nnumere di passe o u passe u facéve malamènde, abbejave da cape.

Vengève chi arrevave pe prime a tuccà 'a "REGGÍNE" pe pegghjà u poste súje.